

12 7

ORATIO
IN LAUDEM
CARDINALIS
ANTONINI
SERISALIS
ARCHIEPISCOPI
NEAPOLITANI.



9

NEAPOLI MDCCLIV.

Apud Nicolaum Nafum Typographum .

UTRIUSQUE POTESTATIS PERMISSU.

*Nobilitas nihil aliud est,
nisi cognita virtus.*

Cic. ad Hirtium.

§ (III.) §

CAROLO GAETÆ

PATRICIO NEAPOLITANO

Senatori Amplissimo ,
Atque Sanctioris Concilii
Quinqueviro

JANUARIUS ROSSUS

D. D.



INCREDIBILI lætitia affecti sumus , quum ANTONINUM SERISALEM Tarenti Archiepiscopum ,

A 2

vi-

virum præclarissimum , Tuum Affinem , nostræ Ecclesiæ Antistitem declaratum esse audivimus . Sed inter tot bonorum Civium gaudia , & congratulationes aliqui rerum ignari extiterunt , quorum de hac electione , quæ præter omnium opinionem accidit , alii alia sensisse videntur . Nec enim , hoc admiratione dignum esse a viris sapientibus , censetur . Nam si quis profecto non modo recentia , sed vetusta quævis tempora repetere velit , ex innumeris hominibus , virtutum omnium genere præstantissimis , vix unum , aut alterum inveniet , quem summus omnium consensus semper probaverit . Sed ut isti se hisce vanis sermonibus abstinuant , aliquid de SERISALIUM gentis antiquitate , & nobilitate a gravibus historicis depromptum , atque de egregiis nostri Antistitis virtutibus , qui suæ splendidissimæ familiæ ob sua præ-

præclara facinora novum lumen; atque ornamentum addidit; non pauca dicere conabor. Hæc quum animo agitarem, & cuinam hanc brevem orationem offerre deberem, post varia consilia, multis adductus rationibus Tibi, Amplissime SENATOR, dicere jure censui. Nam amicitia nostræ vetustas, & Tua singularis erga me benevolentia, atque etiam affinitas, qua Te cum SERISALIUM familia devinxisti, hortata est, ut hac occasione, ne meo deessem officio, Tibi libentissime largiri deberem. Tu interim, velim, tua singulari humanitate hoc meum munus accipias, quod si ex tua dignitate spectetur, perexiguum, si ex meo animo, maximum. Habes igitur instituti mei rationem. Reliquum est, ut qua semper me Tua benevolentia es prosecutus, eadem hoc donum summam erga Te observantia

te-

§ (VI.) §

testificationem excipias . Si obtineam ;
omnia mihi ex voto accidisse arbi-
trabor .

O R A T I O.



UANTO gaudio , EMINENTISSIME PRINCEPS, Neapolitana Civitas , quæ sui Antistitis desiderio , atque absentia mærebat , perfusa sit , quum nuncium acceperit , Tibi a BENEDICTO XIV. Pontifice Optimo Maximo hujus Ecclesiæ gubernationem delatam esse , nequaquam verbis , atque oratione exprimi posse mihi videtur . Et quidem bonum , faustum , felixque nobis accidit , Tibi potissimum Neapolitanam Ecclesiam commissam , creditamque esse , qui Te ita optime in administrandis Ecclesiis Brundusina , & Tarentina gessisti , ut tanquam perfectum , atque absolutum antiquæ illius innocentiae , atque integritatis exemplum omnium illarum
Ci-

Civium prædicatione, atque laudibus extollereris . Qua propter omnes Cives boni Deo Terrarum Orbis Moderatori maximas gratias egerint, quod **BENEDICTO XIV.** Pontifici Optimo Maximo, & **CAROLO** Regi nostro Clementissimo mentem dedisset, ut Te post varios rumores, atque inter tot Competitores præter omnium opinionem ad regimen hujus Ecclesiæ summo, ac communi consensu deligerent. Sed maximam mihi aliqui inter tot gratulationes admirationem attulerunt, qui omnium rerum imperiti in **SERISALIUM** familiam & antiquitate, & nobilitate insignem, oblata hac occasione, aliqua dicta inconsulte jactarunt. Sed ut edoceantur, quod parum exploratum habent, de amplitudine, atque gloria **SERISALIUM** familiæ sermonem habere institui. Sed hæc omnia explicari non possunt, **E. P.**
quin

quin de Tuis laudibus nonnulla dicantur: idque cum aliqua Tua molestia fieri necesse est; propterea quod, ut quisque laude dignissimus est, ita minime libenter laudes suas audire exoptavit. Supplex igitur a Te hanc veniam peto, ut, quæ de antiquissima familiæ Tux nobilitate apud varios Scriptores disseminata sunt, ea me brevi attingere patiaris. Effet enim sine dubio magnum ingrati animi Crimen, atque maxima negligentia, si, dum Tibi Roma, Italia, ac tota denique Europa applaudit, gaudet, gratulatur, quod BENEDICTUS XIV. a Tarentina ad Neapolitanam Sedem transtulerit, atque crexerit, ac in Cardinalium cooptaverit Collegium, nos, ad quos magis præter ceteros illud pertinet, nullum amoris, nullum observantiæ, nullum pietatis officium, nullamque gratulationis testificationem ostenderemus.

B

Igi-

Igitur nostri animi sensus , nostræque erga Te voluntatis significationem magis magisque hac brevi oratione declarare censuimus .

Nemini inter omnes sanæ mentis viros dubium est , quin amplitudo , & nobilitas non a divitiis , quæ animos desides , ac in vitia pronos reddunt , sed a virtute , quæ clara , æternaque habetur , hominesque immortales efficit , suam originem ducere videatur . Hinc celeberrimi Oratores , Historici , atque Poetæ suorum heroum nobilitatem a præclaris facinoribus , quæ vel pace , vel bello gesserunt , repetere solent , magnosque viros virtute , non opibus , ac divitiis metiuntur . Si quis profecto Hebræorum , Græcorum , ac Latinorum historias diligenter lustraverit , plane perspiciet , Quid Davidem , Salamonem , aliosque Israeliticos heroes ? Quid Themistoclem , Phocionemque , aliosque

que Athenienses ? Quid Camillum , Catonem , Fabium , aliosque Romanos tanta prædicatione , ac memoria dignos apud posteros reddidit , nisi virtus ? Sine dubio justitia , temperantia , innocentia , atque eximix artes effecerunt , ut Respublica Romana ex minima , tenuissimaque , maxima & florentissima evaserit , atque illud imperium , & populi Romani per Europam , Asiam , Africam , ac denique totum Terrarum Orbem nomen dilataretur . Quis non videt , tot insignes heroes non in divitiis , atque opibus , sed in virtute gloriam , famam , immortalitatem , & nobilitatem collocasse .

Quæ profecto tot viros nobiles , ac inclytos reddiderunt , ea omnia in tot **SERISALIIUM** familiae heroibus inveniri mihi videntur . Atque hoc vere affirmare possumus , non multas familias in hoc Regno reperiri , quæ cum **SERISALIBUS**

vel antiquitate, vel rerum gestarum gloria, vel arte militari, vel litteris, vel oppidorum dominatu comparari possint, quippe qui septingentos abhinc fere annos sui generis incunabula a per-
 vetustis Surrenti Ducibus repetere possunt. Ille enim Magistratus, qui gerebatur a viris virtute præclaris, erat tantæ dignitatis, atque æstimationis, ut Leo Hostiensis inter Italiæ Optimates, qui ad Consecrationem Basilicæ Cassinensis sub Alexandro II. Pontifice Maximo celebratam convenerunt, illum recenscat. Ab hoc, Sergio Duce (ut optime asserit Carolus Burrellus Neapolitanæ Nobilitatis acerrimus propugnator) omnes SERISALES suam originem, genus, nobilitatemque ducere videntur. Verum id, quod potissimum illius Magistratus amplitudinem, & antiquam SERISALIUM nobilitatem ostendit, est affinitas, quæ eodem Sergio
 Du-

Duce cum Capuæ Principibus intercessit;
 Is enim filiam suam in matrimonium
 Jordano II. collocavit. Ex iis porro pa-
 rentibus susceptus est Princeps Rober-
 tus, qui annalium monumentis valde
 celebratur. Quis igitur tam antiquam
 illius familiæ nobilitatem meritis laudi-
 bus extollere poterit? Quis tot heroes
 ab hac familia natos recensere conabi-
 tur? Nam quid memorem tot sum-
 mos viros, clarissimosque homines, qui
 sub Regibus Nortmannis, Svevis, Gal-
 lis, Aragonensibus pietate, litteris, at-
 que armis floruerunt. Omitto quot op-
 pida hujus regni, quot castella, quot
 vicos, quæ ob egregias illorum virtu-
 tes tam munifice largiti sunt Reges.
 Etsi longum profecto esset, consecutam
 tot illustrium virorum seriem, qui a
 tot scriptoribus laudantur, recensere;
 tamen aliquos nullo modo præterire
 possum. Quid igitur dicam de Bartho-
 lomaio,

lomæo ; qui omnibus belli , ac togæ
 dotibus ornatus in Samnio Caroli I.
 Regis vices gessit , & de Philippo , qui
 ob singularem prudentiam sub Caro-
 lo II. idem munus obtinuit . Sed in-
 ter tot egregios viros etiam enituit Ja-
 cobus præstantissimis tum corporis , tum
 animi virtutibus præditus ; ac tanto in-
 genio sapientiaque ornatus , ut Joan-
 na I. Regina in arduis , difficillimisque
 rebus , & præcipue in contentionibus
 inter Principes hujus Civitatis ortas , ut
 graves discordias sedaret , semper illum
 adhibuerit . Atque hic licet quampluri-
 mos alios omittere mihi altiora perse-
 quenti necesse est , tamen Petrum SERI-
 SALEM , qui seculo decimo tertio Nea-
 politanam Ecclesiam obtinuit , nequa-
 quam tacere possum . Is enim , qui ni-
 hil in vita nisi laudandum aut fecit ,
 aut dixit , aut sensit , tanta prudentia ,
 tantaque integritate fuit , ut Cives in
 maxi-

maximis hujus regni tempeſtatibus , ac fluctibus cum ut peritum navis gubernatorem conſulere conſueverint , ejuſque voluntatibus , conſiliisſque obtemperarint : qui etiam inter cetera egregia facinora ipſe inclytas D. Dominici , ac D. Franciſci familias in hanc Urbem primus invexit . Merito igitur maximo in honore habitus fuit ab Honorio III. & Gregorio IX. quemadmodum eorum decretales epiſtolæ ad illum directæ teſtantur . Neque ſolum tot viri inſignes hujus familiæ nobilitatem augent , ſed etiam affinitates , quas cum inclytis familiis SERISALES conjunxerunt , quorum ſeriem dicere longum eſſet , dum tantummodo ad adprobendam hujus familiæ amplitudinem ſufficeret , quod plurima ante ſecula SERISALES in Nobilium Nidi Collegium cooptati uſque ad præſens tempus reperiuntur . Et de hac re equidem multa verba facere poſſent.

fem; Sed mihi ante oculos obversatur tua
virtus, Eminentiss. Princeps, atque di-
gnitas, quæ me ad se rapit, hæc licet
omni laude dignissima relinquerehorta-
tur; eo magis quod tua familia vivet me-
moriam omnium seculorum, dum histo-
rici, lapides, marmora, monumenta,
nummi etiam ejus magnitudinem, at-
que antiquitatem testantur. Igitur in
hac parte non immorabor, nam plura
dicere in re tam nota supervacuum est:
& qui suis laudibus abundat, aliena
conquirere, alienum mihi esse videtur.

Et sane si umquam abjecta familia
natus esses, eam tamen Tu ipse ad sum-
mum dignitatis culmen extollere potuif-
ses; splendidissima natus quum esses, ita
Te gessisti, ut non minus ipse dignitatis
majoribus Tuis attulisse, quam ab ipsis
accepisse videaris. Jam vero divinæ inter-
rat providentiæ, ut quem ad administran-
dam Brundusinam, Tarentinam, ac deni-
gu

que Neapolitanam Ecclesiam natum voluerat, Te a pueritia eximium vellet, iisque omnibus corroboraret auxiliis, quæ tanti muneris obeundi ratio postulare. Sic ut cuncta Terrarum Orbis imperia sub Crucis redigeret potestatem, vanamque Ethnicorum religionem profligaret, duodecim Apostolos Christianæ fidei acerrimos propugnatores cœlestibus donis, divinisque beneficiis locupletavit. Ex Tuis profecto præclaris in Brundusina, ac Tarentina Ecclesia gestis unusquisque intelligere potest, Te a Deo Optimo Maximo tanquam Aaronem, atque Apostolum vocatum omnibus illis virtutibus, quæ dignitatem Episcopalem ornare debebant, præmunitum fuisse. Jam enim a teneris annis specimen futuræ bonitatis, atque integritatis præbuiisti. Omnes enim, qui Te norunt, singularem humanitatem, innocentiam,

tiam, bonosque mores ubique prædicant. Surrentini Cives Te semper tamquam exemplar bonitatis admirabantur. Itaque totum illud adolescentiæ tempus, cui ex communi hominum consuetudine major quædam licentia tribui, & permitti solet, a Te non eis voluptatibus, quibus ætas illa nobilium adolescentium capitur, sed in assiduâ pietatis operibus consumptum est. Ut autem dignitate Sacerdotali dignus evaderes, plurimam dedisti operam iis studiis, quæ Ecclesiastico viro necessaria sunt. O juvenem inter nobiles adolescentes omni admiratione dignum? qui non ad eas nugas animum Tuum contulisti, quibus solet illa juvenilis ætas irretiri, sed ad eas res animum adjunxisti, quæ ad optimam vivendi rationem perducere possent. Nihil enim literæ valent, ubi nullus est præclarus earum usus. Et certe præclarissimum sapientiæ lumen in-

ter

ter fœdas vitiorum tenebras elangue-
 scit , atque ornamenta sacrarum disci-
 plinarum , quæ comparata sunt ad glo-
 riam , socordiæ & voluptatum sese sub-
 jiciunt servituti . Quum igitur iis opti-
 mis præceptis instructus ita pietate ex-
 cellebas , ita sana doctrina ornabaris ,
 ut nulli Ecclesiastico juveni cederes ,
 magnopere obstupesco , qui fieri potuit ,
 ut Surrentini , qui Te omni conatu ,
 diligentiaque retinere debebant , ab eis
 Te sejungi ac divelli permiserint ? O in-
 gratam patriam , quæ ut talem Civem
 conservaret , minime curavit ? O bea-
 tam Neapolim , quæ suo sinu comple-
 xa est ? Profecto Tua Virtus , quam illi
 nullis præmiis affecerunt , a nostris Ci-
 vibus maximo in honore habita fuit .
 Unde Cardinalis Spinellus magis rebus
 præclare gestis , quam purpura me-
 morabilis inter Canonicos Maximæ
 Ecclesiæ cooptavit . Quæ vero a Te

in hac Urbe gesta fuerunt , quia omnibus nota sunt , mihi præterire visum est . Quid ego illa prædicem ? dum omnes , qui Tecum agebant , prudentiam singularem , maximam humanitatem , omnesque virtutes , quæ Ecclesiastico Viro inesse debent , admirabantur . Hinc merito CAROLUS REX noster , qui non humano , sed divino consilio , atque incredibili justitia hoc Regnum sapientissime gubernat , ac moderatur , Te Archiepiscopum Brundusii declaravit . Cui sine mora ulla BENEDICTUS XIV. libenti animo assensus est , quippe qui Te Ecclesiæ propugnatorem acerrimum , constantissimum Ecclesiasticæ disciplinæ assertorem , optimumque animarum Pastorem futurum certo augurabatur .

Nunc Ciceronis eloquentiam , quam summis laudibus Pompeii virtutes , & Cæsaris clementiam humanitatemque extollit , optarem , ut tot egregia facinora ,
quæ

quæ in regenda Brundusina Ecclesia gessisti , meritis laudibus celebrare possem. Quis nescit ea, quæ D. Paulus in perfecto Episcopo desiderat , nempe sobrietatem, prudentiam, sanctitatem, continentiam, sanamque doctrinam omnia in Te uno affatim cumulata quosque conspexisse ? Tu sobrius , Tu prudens , Tu moribus integris ornatus , Tu castitate vitæ sanctissimus ab omnibus æstimaberis . In tali igitur Episcopali munere potentior campum exercendæ virtutis tuæ nactus ita implesti omnes boni Pastoris numeros , ut merito ab omnibus maximepere commendareris . Quid nunc Tuam humanitatem laudibus efferam , quæ tanta fuit , ut neminem aut aspectu , aut colloquio tuo arcebas , omnia postulata libenter cognoscebas , nihil juste petentibus denegabas ; siquid negare cogereris , ea tamen utebaris lenitate sermonis , ut eos quoque , quibus

ne-

negabas , æquos a Te , placatosque
 dimittebas . O utinam omnes , qui
 ceteros gubernant , hanc Tuam singu-
 larem Virtutem imitarentur . Sunt
 & alia , quæ nullo modo præteriri pos-
 sunt . Nam de Tua liberalitate quid
 dicam ? Tu viduarum gemitibus , pau-
 perum calamitatibus semper præsto fui-
 sti , Tuis pecuniis multorum inopiam
 sublevasti , Cathedralem Ecclesiam ma-
 gnificentissime instaurasti , & quod om-
 ni admiratione dignissimum est , Tu ad
 illam expurgandam lapidum frustra , ru-
 dera , atque ruinarum materiem propriis
 manibus , ac humeris exportasti , Tu mul-
 tas sacras suppellectiles renovasti , mul-
 tasque sacras ædes refecisti . Ac demum
 ut adolescentes non solum Brundusini ,
 sed etiam totius Provinciæ optimis mo-
 ribus , atque bonarum artium studiis in-
 formari , atq. excoli possent , illud amplif-
 simum Seminarium omnibus scientiis ,
 & do-

& doctis professoribus auxisti . Hoc profecto inter omnia , quæ ab optimis Episcopis in Ecclesiarum regimine fieri possunt , nec melius , nec sanctius , nec utilius Civitatibus esse , unicuique patet ; nam felicitas & tranquillitas Christianæ Reipublicæ ab optima adolescentium institutione , atque educatione derivare quisque minime ignorat . Quid ? Injurias vero neque facere ipse , neque eos , qui faciebant , perpeti poteras . Hinc ita faciles aditus ad Te privatorum , ita liberæ querimoniæ de aliorum injuriis erant , ut Tu qui & nobilitate & dignitate Episcopali ceteris excellebas , facilitate , atque humanitate similis , & par infimis esse videreris . Igitur jure ut beneficium patrem colebant , & omnes , qui illinc Neapolim veniebant , multa de Tua æquitate , temperantia , atque integritate commendabant , & Te præconio bonitatis extollebant . Qua
pro-

propter ita Te in hac administratione præstitisti, ut Tuorum erga Brundusinos beneficiorum nunquam memoriam deleverit oblivio. Sed mihi displicet in hac temporis angustia multa prætermittenda esse, quæ satis amplam ad dicendum materiam suppeditare possent. Nam quid prædicem Comitatem in omnes domesticos, quæ tanta erat, ut communis videreris parens, cum eis familiarissime colloquebaris, errantes paternam potius caritate, quam herili potestate, atque imperio corripuebas. Quam præclara Brundusina Ecclesiæ gubernatio? Qui in statibus sollemnibus decor, & majestas? Si plures Tibi similes Episcopos haberet hac tempestate Ecclesia, nihil esset, quod priscis Christianæ Reipublicæ temporibus invideret. Etsi jactet se Constantinopolis de Chrysostomo, Mediolanum de Ambrosio, Neapolis de Athanasio,

at-

atque antiqua Ecclesia de tot Episcopis sanctitate, & doctrina celeberrimis; tamen hac nostra ætate etiam Brundusium de ANTONINO SERISALI, quem tot heroibus comparari fas est, jure se gloriari potuerit. At vero præter Brundusiorum expectationem accidit, ut dum præclaram illam electam vineam Domini excolebas, divino profecto consilio, atque incredibili nostri optimi REGIS benevolentia de sede illa migrare jussus es, & ab eo, cui omnis potestas cœlitus concredita est, Tarentinæ Ecclesiæ es præfectus.

Quanta lætitia hoc gratissimum nuncium Tarentinos, tanta mæstitia Brundusinos affecit, quippe qui eximium Episcopum, diligentem animarum pastorem, pauperum refugium, viduarum solatium, atque puellarum egentium patrem amittebant. Merito undique lamentationes, gemitusque exau-

D

dic-

diebantur, omnes boni mærebant, templa gemebant, tecta ipsa Urbis lugebant, dum tam subito ab eis evolasti, qui paulo prius afflictis, ac prostratis rebus maximam opem libentissime tuleras. In tam gravi profecto vulnere ab illis accepto immanis bellæ esset, non commoveri, non conturbari. Itaque ad Tarentinæ Ecclesiæ curam, ac sollicitudinem traduceris, quem abeuntem Brundusini tristes non sine maximo dolore, atq. invittissimi dimiserunt. Atque hic certe eloquentiæ flumen optarem, ut quemadmodum cum honoris amplificatione Tua semper virtus accreverit, ita quoque in explicatione laudum Tuarum quasi per gradus attolleretur, & seipsa sublimior fieret oratio. Jam enim tot tuorum egregiorum pervagata fama meritorum Tarentinos jamdiu pervaserat, quos certe spes Tui optimi regiminis non elusit. Quid enim a Te, qui optime Brundusinam Ecclesiam
admi-

adminiftrasti, ab illis non expectandum? Opinio quidem eos non fecellit. Nam vigilantiam, caritatem, prudentiam in illis regendis maximopere ostendisti. In Tuis enim ædibus, quæ dies noctesque consulentibus patebant, egenorum, hospitumque solatium, & perfugium erat: apud Te nemo aut Ecclesiarum emolumenta, aut beneficiorum accessiones, aut dignitatis gradum obtinuit, nisi spectatus, ac cognitus, nisi meritis onustus parem oneri animum præferret. Omitto indefessam vigilantia curam, omitto impensos in itinere labores; quanta diligentia illius Diœceseos quascumque ædículas obiisti: certe optima instituta præscripsisti, renovasti, instaurasti. O Virum omni memoria commendandum? at enim invictum hujus religionis studium ad quæ admiranda facinora non excitaverit? Tu omnibus, qui anou-

tulisti, puellas parentibus orbas, ne pudicitiam, ac virginitatem suam violarent, in matrimonium collocasti, pauperibus ægrotis omnia, quæ ad victum, & medicamenta necessaria erant, magna ac singulari caritate suppeditasti. Non sum prædicaturus, quot in pauperes elemosynas erogasti, quot nudos veste contexisti, quot tua prudentia varias privatas, publicasque dissensiones composuisti. Porro ut dignitas Sacerdotalis ab omnibus magno in honore haberetur, effecisti, atque etiam pueris in fidei rudimentis imbuendis operam & studium sæpius contulisti. Imo ut depravatos plebis Tux mores reformares, verbi Dei prædicationem gravissimis licet curis distentus nunquam intermisisti. Jam mecum animo agito, quid egeris. Certe errantem ovem ut bonus Pastor Tuis humeris suscepisti, lacrymis, ac precibus perditos, ac flagitiosos homines

ad

ad meliorem frugem revocasti. O expressam nostri Servatoris imaginem? O vigilantissimum animarum Pastorem? Sed quo longius in altum evehor, Eminentissime Princeps, eo mihi amplior & patentior orationis quasi cursus ostenditur. Atque mihi plurimum displicet, quod tot arduæ res fortiter susceptæ, feliciter confectæ, maxima sollicitudine, assiduis laboribus, periculisque cohonefata ingenii mei, atque orationis inopia imminui videntur. Sed parvi refert, si vires pro meo ingenio in Te laudando defint, dum sufficit, quod habuisti hujus Tuæ spectatæ Virtutis æstimatores, ac judices **BENEDICTUM XIV. Pontificem Optimum-Maximum, & CAROLUM REGEM** nostrum Clementissimum, qui Te tot meritis onustum ad Neapolitanam Ecclesiam destinarunt. Sine dubio hæc Tua Virtus majus thea-

Quod summo Divinæ Providentiæ consilio factum esse , omnes arbitrantur . Et sane qua Tristitia afficiebamur absentia Nostri Antistitis , dum is ad graviora Religionis negotia Romæ diu multumque expetitus Neapolitanæ Ecclesiæ gubernatione se demum abdicaverat , verbis exprimi Nequaquam potest . Verum ubi demum dies illuxit , qua optatissimum gratissimumque nuncium accepimus , Te nostrum Archiepiscopum creatum esse , quanta lætitia perfusi fuimus , dici vix potest . Sub Te , Eminentissime Princeps , qui & antiqua majorum Tuorum nobilitate , & tot magnis præclarisque rebus in Ecclesiæ Brundusinæ , & Tarentinæ regimine gestis apud omnes celebrabaris , beatissimos , fortunatissimosque futuros esse confidimus . De quo eo magis modo certi sumus , quod initio Tux administrationis in variis privatis , publicisque negotiis

gotiis singularem Tuam prudentiam , ac modestiam jam experti sumus . Te antea omni parte absolutum Episcopum audivimus , nunc præsentem oculis cernimus tanta humanitate , ut nos , qui a Tali Viro gubernamur , maxima consolatione repleamur . Merito igitur magnus ad Te in hanc Urbem ingredientem omnium ætatum , atque ordinum concursus fuit , magna effusa omnis generis multitudo . Merito , quocumque incedis , faustis acclamationibus omnia ita personant , ut mœnia ipsa videantur , ac tecta Neapolis , & templa lætari , omnium in Te uno figitur obtutus , omnes ut Patrem patriæ colunt , ac venerantur . Non aliter nobis , quam sperabamus , contigit . Quare perge , Eminentissime Princeps , amor & deliciæ hujus Civitatis , perge ut cæpisti , ingentem profecto immortalemque gloriam assequeris . Itaque magnus sine dubio ad Tua pristina ,

Ac tantummodo Te obtestamur, ut omnia Tu solus divinis præmunitus auxiliis gubernes, ac moderere. Nemo plane est, qui sapientius, ac prudentius Tibi suadere potest Te ipso. Certe nunquam laberis, si Te audies, quum ob longam experientiam bene regendæ Ecclesiæ Christiana caritate artem egregie calleas. Interim Deum Optimum Maximum, a quo omnis felicitas procedit, oramus, atque obsecramus, ut te incolumem servet, tibi que det recte regimini Ecclesiæ Neapolitanæ vacare, haud dubii, quin porro ejusdem divina ope ex hac ad summum, & Cælo proximum dignitatis, amplitudinisque gradum sis pro Universæ Ecclesiæ bono efferendus.

F I N I S .

ERRATA.

potentiores
curavit? complexa
est?
beatam.
ingratam
absentia

CORRIGE

potentiores
curavit! complexa
est!
Beatam.
Ingratam
de absentia

Aliis Levioribus mēdis benevolus Lector ignoscat.

*U. J. D. D. Paschealis Ferrignus in hac Regia Studiorum Univerſitate
Jur. Civil. Profeſſor vevidet, & in ſcriptis reſeruat. Die 16. Junii
Junii 1754. NICOLAUS DE ROSA EP. PUT. C. M.*

CELSISSIME REX.

Quandoquidem mihi a te datum eſt, judiciū ferre de Oratōne, quam vir eruditiffimus D. Januarius Roſſi ſciſſime concinnavit, ut Eminentiffimi Antonini Serifalis Landes pro ſua, qua valet, eloquentia contexeret, patere pro tua humanitate, ut quid de re ipſa ſentiam, paulo fuſius, quam par eſt, dicam. Ac primum quanto gaudio animus meus completus fuerit, quan-que exultarit Lætitia, quod jam Cardinalem Antoninum Serifalem juſtiſſimis laudibus donari cepiſſe viderim, hauſatis quoque dicere. Næ is ego ſum, qui cum Tarento Romanum eundem properantem audiverim, ut Neapolitanæ Eccleſiæ Auſt- res declararetur, ſextentis Elogiis opus eſſe palam tenere capi, ut non tantum apud Neapolitanos Cives, ſed & apud exeros qualecumque Neapolitanorum virorum de Republica Litteraria benemerentiſſimorum viri tanti judiciū in omne futurum tempus eſſet teſtatiſſimum. Et vero quis res ab eo ſtrenue, ac præclare geſtas ſolus enumerare valet. Ejus mira Indoles, Pietas, Vigilantia, Moderatō, Fides jamdiu perſpecta ſunt, eruntque apud poſteros tali exemplo, ut parem hominem, qui tot virtutes in ſemet complectatur, invenire difficile admodum ſit. Ac volupe quidem mihi eſſet, Rex Potentiſſime, quæſam Eminentiffimi Serifalis ornamenta, pro Ingenio meo ſcilicet, in unum cogere, ſi aut id agerem, aut perſuadere rem deberem, quæ te met acerrimum æſtimatorem jamdiu non habuiſſet. Nec enim Neap. tantum, ſed vix ullus noti Orbis angulus eſt, quem non tuſama compleverit, quod præ ceteris Serifalem primum ſummis dignitatibus cumulaveris, ac porro Pontifici Max. Benedicō XIV. Immortalis Memorix viro obtuleris, ut denum non ſine Cardinalitia dignitate Archiepiſcopus Neapolitanæ Eccleſiæ crearetur. Igitur cum hæc mea, quæ quæ ſit, non ſerat oratio, lubenter mitto; eo magis quia calamum ſubiverunt D. Januarii Roſſi Cl. eloquentiæ profeſſoris, qui jam omnium ferme primus ejusdem decora omnia ſtyli elegantia, ſimplicitateque perbelle executus, ne quis forte rerum geſtarum veritati, cui unice ab eo ſtudetur, per verborum phaleras decedere aliquid conquereretur. Et ſane is

Illustri, ac Senatoria, uti cuius compertum est, profapia facto, eidem Cardinali carissima affinitate devinctio, cujus sapientiam, fidem, dexteritatem tu ipse in dies admiraris adeo, ut sua in te merita quotidie testata facias. Ut haud inmerito sit, cur æquorum æstimatores alia munera a te excepturum eundem sperent, quod quoque animus mihi meus auguratur. Idque profecto dictum a me velini, non quod singulari in tantum virum observantia mihi animus sit decertare, verum ut occasione data, meum in eundem amorem, existimationem, ejusque gloriæ in me cupiditatem palam significarem. Accedit porro oratio, cujus priori parte mire eorum infanias propellit Auctor, qui, nescio quo invidiæ ardore moti, Serisalianæ gentis antiquitati, ac splendori male consulere saeperunt. Posterior autem pars tota est in Eminentissimi Cardinalis rebus gestis enarrandis. Qua in re, quantum præster, vel luscitiosus quisque videre poterit; cum vix oculos in eam conjicienti luculenter patebit nitor ille, quem in Tullio omnis ætas fuit admirata. Hæc habui, quæ fufius tibi dicerem. Nunc igitur, ne tibi amplius moræ sum, remque alienam tractare plenissime videar, Ajo Typographum nihil tenere debere, quominus orationem istam quantocius edat, cum ceteroqui nihil a Regiis juribus absonum complectatur. Sed judicium meum, quale id cumque sit, Imperio submitto tuo, Rex Inviectissime, quem Deus per diu incolumem servet.

Neap. Non. Jul. ClOCCCLIV.

Additiss. & obsequentijs.

Paschalis Ferrignus -

Die 17. mensis Julii 1754. Neap.

Viso rescripto Suae Regalis Majestatis sub die 15. currentis mensis, & anni, ac relatione U. J. D. D. Paschalis Ferrigni de commissione Rev. Regii Cappellani Majoris, ordine præfata Regalis Majestatis.

Regalis Camera S. Clarae providet, decernit, atque mandat, quod imprimatur cum inserta forma præsentis supplicis libelli, ac approbationis dicti Revisoris; verum in publicatione servetur Regia Pragmatica, hoc suum.

CASTAGNOLA. FRAGGIANNI. GAETA. FORCINARI.
Illust. Marchio DANZA Præfatus S. R. C. tempore subscriptionis impeditus.

Reg. fol. 60. a ter.

Curulijs.

Atbanasius.